

# EINFÖLDUNARÁÆTLUN

2007-2009

Forsætisráðuneytið  
**September 2007**

## Einföldunaráætlun forsætisráðuneytis – 2007-2009

Við undirbúning einföldunaráætlunar forsætisráðuneytisins var haft samráð við stofnanir, embætti og nefndir sem undir ráðuneytið heyra. Þá er vert að geta þess að forsætisráðuneytið sinnir þverfaglegum verkefnum sem tengjast náið markmiðum aðgerðaráætlunar um Einfaldara Ísland, þ.e. framkvæmd stefnu ríkisstjórnarinnar um upplýsingasamfélagið og umsjón með Ísland.is sem er sameiginlegur þjónustu- og upplýsingavefur hins opinbera. Nánari upplýsingar veitir Páll Þórhallsson, lögfræðingur í síma 545 8412.

### 1. Mat á áhrifum nýrra laga og reglna

<i>Úrlausnarefni</i>	Nú er komin allnokkur reynsla af lögum nr. 27/1999 um opinberar eftirlitsreglur. Við framkvæmd laganna hafa komið fram atriði sem vert er að endurskoða, t.d. að í lögnum er ekki kveðið á um birtingu þess mats sem á sér stað á þjóðhagslegu gildi eftirlits. Þá er vert að endurskoða gildissvið laganna, en þau taka nú einungis til svokallaðra opinberra <u>eftirlitsreglna</u> og koma þannig fyrst og fremst fyrirtækjum til góða.
<i>Markmið</i>	Þessi verði gætt að ný lög og reglur leggi ekki óþarfa byrðar á atvinnulíf og almenning.
<i>Aðgerð</i>	Lög um opinberar eftirlitsreglur nr. 27/1999 verði endurskoðuð í ljósi reynslu innanlands og erlendis af því hvernig megi sem best ganga úr skugga um að ný lög og reglur leggi ekki óþarfa byrðar á atvinnulíf og almenning.
<i>Hverjir hafa hag af aðgerðum</i>	Fyrirtæki, almenningur
<i>Kostnaðarleg áhrif fyrir ríkissjóð</i>	Liggur ekki fyrir.
<i>Tímaáætlun</i>	Lagafrumvarp lagt fyrir Alþingi haustið 2008.

### 2. Lög um fána og ríkisskjaldarmerki

<i>Úrlausnarefni</i>	<i>Samkvæmt 3. mgr. 12. gr. l. nr. 34/1944, sbr. l. nr. 67/1998, er heimilt “með leyfi forsætisráðuneytisins að nota þjóðfánann í vörumerki eða á sölubarning, umbúðir um eða auglýsingu á vöru eða þjónustu, enda sé starfsemi sú sem í hlut á að gæðum samkvæmt því sem ráðuneytið mælir fyrir með reglugerð og fánanum ekki óvirðing gerð”. Þessi reglugerð hefur</i>
----------------------	--

ekki verið sett og því er í raun óheimilt að nota þjóðfánann með ofangreindum hætti.

<i>Markmið</i>	Uppfæra lagareglur um þjóðfánann og notkun hans með það fyrir augum að heimiluð séu afmörkuð not hans í viðskiptalegum tilgangi án þess að fánanum sé þó óvirðing gerð.
<i>Aðgerð</i>	Gefin verði út reglugerð um skilyrði fyrir vísun til þjóðfánans í viðskiptalegum tilgangi.
<i>Hverjir hafa hag af aðgerðum</i>	Fyrirtæki
<i>Kostnaðarleg áhrif fyrir ríkissjóð</i>	Engin
<i>Tímaáætlun</i>	Reglugerð gefin út ekki síðar en 1. september 2008.

### **3. Gagnsæi og ábyrgð í störfum stofnana og embætta sem heyra undir ráðuneytið**

<i>Úrlausnarefni</i>	Ekki er fullt samræmi í því að hvaða marki stofnunum og embættum sem heyra undir forsætisráðuneytið er skylt að taka reglulega saman skýrslur um starfsemi sína.
<i>Markmið</i>	Settar verði skýrari reglur um reglulega upplýsingagjöf stofnana og embætta sem heyra undir ráðuneytið gagnvart stjórnvöldum, Alþingi og almenningi. Þannig má stuðla að betri vitneskju um og skilningi á störfum viðkomandi.
<i>Aðgerð</i>	Farið verði yfir reglur sem gilda um stofnanir og embætti og nefndir með það fyrir augum að bæta upplýsingagjöf til ráðuneytisins og almennings um árangur af starfi.
<i>Hverjir hafa hag af aðgerðum</i>	Almenningur
<i>Kostnaður</i>	Óverulegur, gera má ráð fyrir að þar sem ekki eru þegar gerðar reglulega ársskýrslur liggi viðkomandi upplýsingar eigi að síður að mestu fyrir þótt þeim sé ekki safnað saman með markvissum hætti.
<i>Tímaáætlun</i>	Endurskoðaðar reglur gefnar út ekki síðar en 1. september 2008

#### 4. Verklag við meðferð erinda frá almenningi

<i>Úrlausnarefni</i>	Ekki hafa verið mótaðar sérstakir verkferlar við skráningu og meðferð erinda sem einstaklingar og lögaðilar senda ráðuneytinu. Umboðsmaður Alþingis hefur hvatt til að settar séu verklagsreglur um þetta efni til fyllingar ákvæðum stjórnarsýslulaga.
<i>Markmið</i>	Betur sé haldið utan um erindi sem berast ráðuneytinu frá einstaklingum og stofnunum með það fyrir augum að svör séu gefin innan hæfilegs tíma.
<i>Aðgerð</i>	Settar verði verklagsreglur innan ráðuneytisins um skráningu, meðferð og eftirfylgni erinda sem berast.
<i>Hverjir hafa hag af aðgerðum</i>	Almenningur og fyrirtæki
<i>Kostnaður</i>	Óverulegur
<i>Tímaáætlun</i>	Verklagsreglur settar ekki síðar en 1. mars 2008

#### 5. Aðgengi almennings að upplýsingum um lög og reglur

<i>Úrlausnarefni</i>	Bæta má enn frekar aðgengi almennings að upplýsingum um gildandi lög og reglur á málefnasviði ráðuneytisins. Á það bæði við um lagatexta og rit sem eru til skýringar.
<i>Markmið</i>	Stuðla að aukinni vitund almennings um gildandi lög og reglur á málefnasviði ráðuneytisins.
<i>Aðgerð</i>	Farið verið yfir upplýsingar á vef forsætisráðuneytisins um gildandi lög og reglur með það fyrir augum að þær séu sem réttastar, aukið verði við þýðingar á lögum og reglum. Gefin verði út handbók um upplýsingalögin fyrir almenning. Haldnir verði opnir kynningarfundir í kjölfar gildistöku nýrra laga.
<i>Hverjir hafa hag af aðgerðum</i>	Almenningur og fyrirtæki
<i>Kostnaður</i>	Kostnaður við útgáfu handbókar um upplýsingalögin er kr. 2.000.000. Þýðingarkostnaður er áætlaður kr. 1.500.000 sem deilist á þrjú ár.
<i>Tímaáætlun</i>	Handbók um upplýsingalögin verði gefin út fyrir árslok 2007.

## 6. Rafræn stjórnsýsla – notkun eyðublaða

<i>Úrlausnarefni</i>	Ekki eru öll eyðublöð á vegum forsætisráðuneytisins, stofnana, embætta eða nefnda sem undir það heyrja aðgengileg á netinu.
<i>Markmið</i>	Samskipti almennings við ráðuneytið og stofnanir og embætti á þess vegum verði sem greiðust.
<i>Aðgerð</i>	Öll eyðublöð á vegum forsætisráðuneytisins, stofnana, embætta eða nefnda sem undir það heyrja verði gerð aðgengileg á netinu. Gert verði kleift að fylla þau út á netinu og skila þeim rafrænt.
<i>Hverjir hafa hag af aðgerðum</i>	Almenningur og fyrirtæki
<i>Kostnaður</i>	Óverulegur
<i>Tímaáætlun</i>	Endurskoðun eyðublaða ljúki fyrir mitt ár 2009.

## 7. Gagnsæi í störfum úrskurðarnefnda

<i>Úrlausnarefni</i>	Misjafnt er að hvaða marki úrskurðarnefndir í stjórnsýslunni birta úrskurði sína opinberlega á netinu.
<i>Markmið</i>	Úrskurðir úrskurðarnefnda í stjórnsýslunni séu birtir reglulega á netinu að teknu tilliti til sjónarmiða um persónuvernd.
<i>Aðgerð</i>	Forsætisráðuneytið mun vekja athygli viðkomandi ráðuneyta á því að ekki sé að finna á netinu upplýsingar um úrskurði úrskurðarnefnda á málefnasviði þeirra.
<i>Hverjir hafa hag af aðgerðum</i>	Almenningur, fyrirtæki og stjórnsýslan
<i>Kostnaður</i>	Óverulegur
<i>Tímaáætlun</i>	Bréf verði sent til ráðuneyta fyrir árslok 2007 og að nýju um mitt ár 2008 þar sem óskað verði eftir upplýsingum um efndir.